

## ARLeF: cun Fûrxfur, la fieste e fevele furlan ...e al è plui "figo"

Tal 2015, lis manifestazions furlanis plui impuartantis a fevelaran... furlan. Nol è un paradòs, ma l'architraf di **Fûrxfur**, il **proget di comunicazion integrade in lenghe furlane impuartant e inovatîf, volût e finanziât de ARLeF e realizât de Cooperative Informazion Furlane**. Dopo Fieste de Viarte e Saponi Pro Loco, ancje Homepage Festival te Notte Bianca e Friuli Doc a Udin, Arti&Saponi di Çopule, la Festa della Mela di Tumieç, Gusti di Frontiera di Gurize... a saran cjapâts dentri tal proget. Chestis manifestazions, duncje, a dopraran il furlan tant che part fundamentâl de lôr comunicazion scrite (e no dome) su cetancj materiâi promoziônai, dai depliants aes locandinis, dai menù ai programs.

*«L'obietîf de ARLeF al è chel di meti a sisteme, pe prime volte, une schirie di azions metudis in vore ancje tai agns passâts par promovî l'ûs de lenghe furlane tai grancj events – al spieghe il president, Lorenzo Fabbro -. **Dut il teritori regjonâl al ven cjapât dentri in Fûrxfur cuntune schirie di iniziativis coordinadis che a rinfuarcin la presince e l'ûs dal furlan tes formis plui modernis, che ur plasin a ducj, massime ai zovins. Nus pâr une idee buine di meti dongje, in maniere positive e sinergjiche - al siere Fabbro - politiche linguistiche e promoziôn dal teritori**».*

Ma il proget al ancje impuartants aspiets multimediâi. Di fat, al è stât predisponût un **video** promoziônâl **+figo x furlan**, realizât di Giorgio Cantoni, che al sarà metût a disposizion dai organizadôrs dai events, ma ancje dai gjornaliscj e des testadis on line. Il video – che al à come protagonist Daniel Samba, cognossût pe sô interpretazion in diviers progjets tant che "Ocjol!", "Furlan piturât di neri" e "Felici ma Furlans" – al sarà **presentât pe prime volte al public sul palc dal Cjistiel di Udin in ocasion de Notte Bianca** in program ai 4 di Lui, dulà che la ARLeF e sarà presinte ancje cuntun so bancut informatîf.

Dentri tal proget Fûrxfur la Cooperative Informazion Furlane, adun cui organizadôrs dai events, e previodarà al servizi di traduzion pai materiâi promoziônai e a **realizâ spot di presentazion e transmissions in direte radiofoniche su lis frecuencis di Radio Onde Furlane**. Ogni volte, cun di plui, in acuardi cui operadôrs dal teritori, Fûrxfur al proponarà **concierts, leturis par fruts, animazions plurilenghâls, presentazions di libris**.

Di bande sô, la **ARLeF e sarà presente a ducj i apontaments** in program, cuntun so stand dulà che a saran dâts fûr materiâi informatîfs e promoziônai che a invidin a doprâ la lenghe furlane ogni dì.

La **colaborazion di Fûrxfur cul Comun di Udin e cun chel di Gurize par Friuli Doc e Gusti di Frontiera**, lis dôs principâls manifestazions di Setembar tal setôr agroalimentâr regjonâl, e sarà cetant articolade e interessante. Dongje dai depliant bilenghâi, ai spot e aes diretis di Radio Onde Furlane, al sarà proponût un **Concors Fotografic "Fûrxfur a colps di selfie"**, dulà che i

### INFORMAZIONS PE STAMPE - INFORMAZIONI PER LA STAMPA

**Ufficio Stampa ARLeF** CALT relazioni pubbliche Tel. + 39 0432 229127 / **e-mail: arlef@caltpr.it**  
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<

partecipants si fasaran lis fotos cul logo ben in viste, par cjàpâ te maniere plui simpatiche e efficace pussibile il spirit de manifestazion e dal furlan. Dutis lis fotos a saran cjamadis su Instagram e, lis miôr, a saran premiadis. Une part dal materiâl fotografic selezionât ae fin dês dôs manifestazions, al sarà montât intun o plui video che a saran promovûts dentri di diviers contignidôrs mediatics e culturâi.

Fûrxfur al à ancje il grup facebook, par iscrivisi:

<https://www.facebook.com/groups/furXFUR/>

*Udin, ai 30 di Jugn dal 2015*

#### INFORMAZIONS PE STAMPE - INFORMAZIONI PER LA STAMPA

**Ufficio Stampa ARLeF CALT** relazioni pubbliche Tel. + 39 0432 229127 / **e-mail: arlef@caltpr.it**  
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<